

# CONVOCATORIA DE SUBVENCIONES, EN RÉXIME DE CONCORRENCIA COMPETITIVA, DESTINADAS AO FOMENTO DO DEPORTE FEDERADO. ANO 2023.

## 1.- FINALIDADE E OBXECTO

1.1. A presente convocatoria ten por finalidade a promoción das Entidades Deportivas locais de carácter federado, non mercantís, non profesionais, e consecuentemente sen ánimo de lucro.

A efectos de que os colectivos de base anteriormente citados poidan alcanzar os seus obxectivos, o obxecto que motiva a presente convocatoria é financiar, en parte, os gastos derivados da súa **participación nas competicións deportivas establecidas nos correspondentes calendarios oficiais das federacións autonómicas e nacionais.**

1.2. Para os efectos desta convocatoria de subvencións consideraranse gastos subvencionables os seguintes conceptos:

- a) Gastos de pagamento de licenzas federativas e de mutualidade.
- b) Gastos de desprazamentos fóra do termo municipal de Santiago dos diferentes equipos ou deportistas da Entidade, vinculados exclusivamente coas datas de competición oficial federativa (non se terán en conta adestramentos, torneos non oficiais, etc...). No caso de desprazamentos en vehículos particulares, á hora da xustificación só se terá en conta o gasto de 0,19 €/quilómetro, achegando as correspondentes facturas de repostaxe de combustible a nome da Entidade acompañadas dos xustificantes de pago. (Deberase achegar o calendario de competición para verificar que coinciden con probas oficiais federativas).
- c) Gastos de aloxamento e manutención dos diferentes equipos ou deportistas da Entidade, que deberán de coincidir e vir acompañados do calendario oficial federativo da competición. En ningún caso serán admitidos gastos de aloxamento e manutención en distancias inferiores a 100 km. da cidade de Santiago.
- d) Gastos de arbitrxes que se correspondan coas competicións do calendario oficial federativo.
- e) Gastos de material deportivo non inventariable (balóns, equipacións, ...) ata un máximo de 3.000 €. No momento da xustificación as facturas deberán especificar conceptos, cantidades, etc.
- f) Gastos de servizo externo de lavandaría.
- g) Gastos de alugueiro de instalacións para adestramentos ou competicións.
- h) Gastos médicos, en xeral (servizos de fisioterapia, produtos farmacéuticos, servizo de ambulancia para a competición....).

- i) Gastos de inscricións en probas de competición oficial de carácter puntual incluídas no calendario federativo.
- j) Gastos de seguros de responsabilidade civil e/ou accidentes que teña que posuír a Entidade para o seu normal funcionamento. A maiores, no caso do ciclismo, aceptaranse excepcionalmente os seguros dos vehículos das entidades xa que son necesarios para poder competir.

O período de elixibilidade dos gastos é o comprendido entre o 1 de xaneiro e o 31 de outubro de 2023.

Para a correcta xustificación dos gastos subvencionables incluídos neste epígrafe ver o apartado 10 destas bases.

## **2.- CONTÍA**

A contía total que se destina a esta finalidade será de **308.000 €**, con cargo á aplicación orzamentaria 090 34100 4890100/2023.

## **3.- DESTINATARIOS**

**3.1.** Poderán acceder a estas subvencións as entidades deportivas que participen en competicións oficiais federadas, con sede social no Municipio de Santiago e que figuren inscritas no Rexistro Municipal de Asociacións, e no Rexistro da Secretaría Xeral para o Deporte da Xunta de Galicia.

**3.2.** Non se considerarán a efectos destas bases:

- As solicitudes daquelas entidades que, con independencia de estar federadas, non participen en competicións oficiais incluídas no calendario da federación correspondente.
- As solicitudes daquelas entidades que participen nas modalidades de cicloturismo, sendeirismo ou similares, nas que non existe unha estrutura de competición convencional.
- As solicitudes que correspondan a entidades deportivas vinculadas con empresas privadas de servizos deportivos.
- As solicitudes de calquera entidade pública territorial ou corporativa, así como das entidades vinculadas ou dependentes das mesmas.

Excluíranse tamén das subvencións previstas nestas bases:

- As categorías daquelas Entidades que teñan un convenio nominal co Concello de Santiago de Compostela.
- Os equipos de fútbol sala que participen na competición local/interzonal/provincial, como consecuencia do alto número de participantes existentes. Non será de aplicación para aquelas entidades que teñan como única modalidade deportiva de competición o fútbol sala.
- Os equipos de fútbol que participen na categoría de veteranos.

#### **4.- OBRIGAS DOS BENEFICIARIOS**

Son obrigas dos beneficiarios:

**a.-** Cumprir o obxectivo, executar o proxecto, realizar a actividade ou adoptar o comportamento que fundamenta a concesión da subvención.

**b.-** Xustificar o cumprimento dos requisitos e condicións, a realización da actividade e o cumprimento da finalidade que determinen a concesión ou disfrute da subvención.

**c.-** Someterse ás actuacións de comprobación e control dos órganos competentes e aportar a información que lle sexa requirida no exercicio das actuacións anteriores.

**d.-** Comunicar ao órgano concedente a solicitude e a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dos fondos percibidos.

**e.-** Dispor dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario, e cantos estados contables e rexistros específicos sexan esixidos polas bases reguladoras coa finalidade de garantir o adecuado exercicio das facultades de comprobación e control.

**f.-** Fomentar o desenvolvemento de actitudes e comportamentos en contra da violencia no eido do deporte, así como, a transmisión de valores positivos en prol do xogo limpo entre os adestradores, xogadores e demais membros da Entidade.

**g.-** A contratación con terceiros para a execución dos servizos, asistencia ou subministros necesarios por valores superiores a 15.000 € recollidos como gasto obxecto de subvención, realizaranse con suxeición ás normas de contratación do sector público garantindo, en todo caso, os principios de publicidade, concorrencia, igualdade e non discriminación.

**h.-** A actividade que se desenvolva por parte dos beneficiarios realizarase en lingua galega, tanto no que toca ao seu desenvolvemento como á comunicación oral ou escrita que xeren.

**i.-** Os beneficiarios deberán, de conformidade co establecido na normativa reguladora das subvencións, dar a adecuada publicidade do carácter público da financiación da actividade obxecto da subvención, quedando obrigados a informar da axuda concedida polo Concello de Santiago entre todos os membros da súa Entidade, así como, a insertar o logo do Concello de Santiago, como entidade colaboradora, na súa páxina web, redes sociais etc...

#### **5.- FORMULARIO DE SOLICITUDE E DOCUMENTACIÓN ESIXIDA**

**5.1.** O formulario oficial de solicitude CS006F estará dispoñible na sede electrónica do Concello de Santiago (sede.santiagodecompostela.gal), no trámite "Solicitude de subvención".

Os interesados deberán cubrir todos os campos que figuran no formulario de solicitude, que deberá estar asinado polo Presidente/a e polo Secretario/a da Entidade solicitante.

O formulario de solicitude inclúe:

- Breve memoria explicativa da actividade da entidade (nº de equipos, categorías, participantes, resultados....)
- Orzamento xeral de gastos e ingresos da Entidade correspondente á tempada 2022/2023 ou á tempada 2023 (segundo corresponda en función da modalidade deportiva), con indicación da data da asemblea xeral da entidade na que foi aprobado.
- Orzamento de gastos para os que se solicita a subvención. Para a elaboración deste orzamento cómpre ter en conta os gastos subvencionables de acordo cos conceptos definidos no punto 1.2 das bases, así como os criterios de xustificación descritos no punto 10. Os conceptos a subvencionar terán que figurar de forma detallada no orzamento xeral da Entidade e o gasto subvencionable será o correspondente ao ano 2023. O importe destes gastos deberá ser superior á contía da axuda solicitada.
- Certificación do nomeamento do interlocutor da Entidade para as súas relacións co Concello no que se refire á convocatoria de subvencións destinadas ao fomento do deporte federado ano 2023.
- Declaración responsable en relación ás seguintes cuestións:
  - Que todos os datos aportados son reais e que coñece, acepta e se compromete a cumprir as bases da convocatoria.
  - Que a Entidade reúne as condicións esixidas na convocatoria para ser beneficiaria da subvención e se compromete a cumprir todas as obrigas incluídas nela, así como a demostrar documentalmente todos os datos que figuran na solicitude se así fose requirida.
  - Que cumpre con todas as disposicións legais, regulamentarias e convencionais vixentes en materia laboral, seguridade social, seguridade e saúde no traballo e igualdade entre mulleres e homes.
  - Que a Entidade non se atopa en ningún dos supostos de incapacidade e incompatibilidade para a percepción de subvencións ou axudas públicas establecidos no artigo 13 da Lei 38/2003, de 17 de novembro, Xeral de Subvencións.
  - Que o persoal, colaboradores ou voluntarios da Entidade, dedicado á realización das actividades que impliquen contacto habitual con menores, cumpre co requisito previsto no artigo 13.5 da Lei Orgánica 1/1996, de 15 de xaneiro, de Protección Xurídica do Menor.
  - Axudas, subvencións, recursos e ingresos públicos e/ou privados, solicitados e/ou concedidos para a mesma finalidade.

**5.2.** Xunto coa solicitude deberase achegar a seguinte documentación:

1. NIF da entidade solicitante.

2. DNI-NIF/NIE da persoa representante .
3. Acreditación da representación, se procede.
4. Estatutos actualizados polos que se rexa a entidade.
5. Certificación de titularidade da conta bancaria da entidade, onde consten os códigos BIC e IBAN
6. Certificación oficial federativa do nº de equipos ou do nº de licenzas, segundo corresponda, e categoría na que compiten na tempada 2022/2023 ou na tempada 2023 (segundo proceda en función da modalidade deportiva). Este certificado deberá incluír só os equipos e licenzas que participen en competición oficial. No que respecta aos deportes individuais (atletismo, rítmica, natación, kárate, xadrez, ciclismo, ...) o certificado de número de licenzas deberá detallar a categoría (autonómica e/ou nacional) e especificar se son licenzas femininas ou masculinas. Exclúiranse desta certificación as categorías recollidas no punto 3 das presentes bases.
7. Certificación oficial federativa na que se detalle a participación dos diferentes equipos/deportistas da entidade nas distintas competicións oficiais do calendario federativo da tempada 2022/2023 ou na tempada 2023 (segundo proceda en función da modalidade deportiva).
8. Certificación dos gastos de mutualidade e de licenzas federativas da Entidade correspondente á tempada 2022/2023 ou á tempada 2023 (segundo proceda en función da modalidade deportiva). Exclúiranse desta certificación as categorías non subvencionables recollidas no punto 3 das presentes bases.

**5.3.** A maiores, no caso de non autorizar ao Concello, no formulario de solicitude, a facer a consulta ás diferentes administracións, deberanse presentar:

- a) Certificación da Axencia Estatal da Administración Tributaria (AEAT) de estar ao corrente coas obrigas tributarias
- b) Certificación da Tesourería Xeral da Seguridade Social (TXSS) de estar ao corrente coas obrigas
- c) Certificación da Axencia Tributaria de Galicia (ATRIGA) de estar ao corrente coas obrigas tributarias

De oficio, farase a consulta de que a Entidade non ten débedas pendentes co Concello de Santiago.

**5.4.** O Concello poderá pedir onde proceda a confirmación dos datos anteriores.

No caso de que os documentos esixidos xa estivesen no poder dalgún órgano do Concello de Santiago, o solicitante poderá acollerse ao establecido no parágrafo 1 apartado d) do artigo 53 da Lei 39/2015, sempre e cando se faga constar a data e o órgano ou dependencia na que foron presentados.

**5.5.** No suposto de imposibilidade material de obter algún dos documentos, o órgano competente poderá requirir ao solicitante ou ao seu representante, a presentación de dito documento ou, no seu defecto, a acreditación por outros medios dos requisitos a que se refire o mesmo, con anterioridade á formulación da proposta de resolución.

## **6.- LUGAR E PRAZO DE PRESENTACIÓN DE SOLICITUDES**

**6.1.** As solicitudes acompañadas da documentación esixida, presentaranse na sede electrónica do Concello de Santiago (sede.santiagodecompostela.gal), no trámite “Solicitud de subvención”.

Tamén poderán presentarse por calquera dos medios regulados no artigo 16.4 da Lei 39/2015, de 1 de outubro, do procedemento administrativo común das administracións públicas.

A documentación presentarse seguindo a orde definida no punto 5 destas bases, aos efectos de facilitar e axilizar a súa comprobación.

**6.2.** O prazo de presentación de solicitudes será de 15 días naturais contados a partir da publicación dun extracto desta convocatoria no Boletín Oficial da Provincia.

## **7.- CRITERIOS DE VALORACIÓN**

**7.1.** Para determinar a contía de cada unha das subvencións a conceder teranse en conta:

- a) Os gastos de mutualidade e de licenzas federativas, coas precisións indicadas no apartado A) do anexo explicativo dos criterios de valoración.
- b) Unha cantidade asignada en función do número de equipos ou licenzas, segunda corresponda, en función do establecido no apartado B) do anexo explicativo:
  - Para deportes colectivos: número de equipos da Entidade e categoría de competición dos mesmos.
  - Noutro tipo de deportes: número de licenzas e ámbito de competición.

**7.2.** Sen prexuízo do disposto no parágrafo anterior, en calquera fase do procedemento anterior á proposta de resolución, poderase requirir á entidade solicitante que aporte a información e documentación aclaratoria e complementaria que se considere conveniente para a correcta definición, avaliación, e comprobación da solicitude presentada.

**7.3.** As subvencións finais que correspondan ás Entidades Deportivas, como resultado da aplicación dos criterios de valoración, poderán modificarse aplicando porcentaxes redutoras, de forma proporcional, no caso de que a suma global sexa superior á contía total prevista nestas bases, e co fin de axustalas á mesma.

Do mesmo xeito, se unha vez calculadas as cantidades que corresponden ás Entidades, resulta que queda un remanente da contía global, este repartirase de forma proporcional entre as mesmas.

**7.4.** Por outra parte, en ningún caso o importe da axuda municipal concedida poderá ser de tal contía que, en concorrencia con outros ingresos, subvencións ou axudas doutras Administracións ou entes públicos ou privados supere o custo das actividades a desenvolver polo beneficiario.

## **8.- TRAMITACIÓN E REQUIRIMENTO DE DOCUMENTACIÓN**

**8.1.** Analizadas as solicitudes presentadas procederase ao requirimento da documentación que estea pendente ou que se considere incompleta, para o que se dará un prazo de subsanación de 10 días hábiles, contados a partir do seguinte ao do recibo da notificación.

**8.2.** As notificacións serán a través de sede electrónica é entenderanse producidas no momento do acceso ó contido do acto notificado, ou ben, se este acceso non se efectúa, polo transcurso do prazo de 10 días naturais desde a súa posta a disposición sen que se teña accedido á mesma.

## **9.- RESOLUCIÓN**

**9.1.** A formulación das propostas de concesión das subvencións corresponderá á Comisión Avaliadora que estará presidida pola Concelleira/o de Deportes e integrada por persoal técnico do Departamento de Deportes.

A devandita proposta elevarase á Xunta de Goberno Local para a súa resolución antes do 30 de setembro de 2023.

**9.2.** No momento da resolución a Entidade solicitante deberá estar ao corrente nas obrigas tributarias (axencia estatal e Comunidade autónoma), coa Seguridade Social e non ter débedas pendentes co Concello de Santiago.

## **10.- NOTIFICACIÓN E XUSTIFICACIÓN**

**10.1.** Unha vez aprobada a subvención, será notificada aos interesados a través da sede electrónica.

**10.2.** O período para a xustificación da subvención polos interesados comezará a contar a partires do día seguinte á notificación da concesión da subvención, e terá como data límite o 31 de outubro de 2023.

Os expedientes correctamente xustificados iranse remitindo á Intervención Municipal, de forma individual ou por lotes, para a súa fiscalización e posterior aprobación pola Xunta de Goberno Local.

**10.3.** As entidades beneficiarias deberán presentar a documentación xustificativa da subvención, na sede electrónica do Concello de Santiago (sede.santiagodecompostela.gal), no trámite “Xustificación de subvencións concedidas polo Concello”

Tamén poderán presentarse por calquera dos medios regulados no artigo 16.4 da Lei 39/2015, de 1 de outubro, do procedemento administrativo común das administracións públicas.

**10.4.** Para xustificar correctamente a subvención presentarse a seguinte documentación:

1. O formulario oficial de xustificación da subvención CS023F debidamente cuberto e asinado.

2. As facturas ou documentos substitutivos correspondentes a todos os gastos obxecto da subvención enumerados na solicitude, así como acreditar o seu pagamento antes da finalización do período de xustificación da subvención. A estes efectos, a acreditación do pago realizarase por algunha das seguintes formas:
  - a. Preferentemente mediante transferencia bancaria, coa copia do xustificante do cargo no que deberá figurar o concepto da transferencia, o número de factura, ou de non a haber, o concepto aboado.
  - b. Cheque: ademais da copia do cheque asinado, xustificarse mediante copia do extracto bancario do seu cargo en conta.

Independentemente da contía da subvención concedida, haberá que xustificar, cando menos, o importe previsto no orzamento de gastos obxecto da subvención que figura na solicitude, debendo presentarse xustificantes relativos á totalidade dos conceptos que figuran nese orzamento.

Poderanse admitir desviacións ou alteracións na xustificación, sempre e cando se presenten xustificantes de todos os conceptos elixidos e se acade, como mínimo, o importe total previsto nese orzamento.

Todos os gastos deberán corresponder ao período comprendido entre o 1 de xaneiro e o 31 de outubro de 2023.

Para xustificar os gastos de mutualidade, licenzas ou inscricións, poderanse admitir certificacións oficiais federativas acompañadas dos xustificantes bancarios, **só no caso excepcional** de que a federación non emita factura; circunstancia que será oportunamente verificada.

Para o caso concreto da xustificación dos seguros que figuran como subvencionables no punto 1.2 destas bases, admitiranse con carácter excepcional os pagos realizados no ano 2022 imputándose como gasto xustificable a parte proporcional da cantidade vinculada exclusivamente co período do ano 2023. En termos similares, do pago realizado no exercicio 2023 so se admitirá a contía proporcional a esta anualidade.

**10.5.** Co fin de facilitar a súa comprobación e tramitación, as entidades beneficiarias deberán achegar a documentación xustificativa, preferentemente nunha única entrada de rexistro, respectando a seguinte orde na presentación dos documentos:

1. Modelo de xustificación (CS023F) debidamente cuberto e asinado.
2. Documento resumo dividido por conceptos de gasto coa relación de facturas e cantidade xustificada de cada un dos conceptos obxecto de subvención considerados na solicitude.
3. Facturas xustificativas acompañadas dos documentos acreditativos do seu pagamento (principalmente transferencia bancaria) ordenadas exactamente seguindo o documento resumo indicado anteriormente, que coincidirá coa orde da relación de gastos para os que se solicita a subvención e que figura na solicitude. A cada factura lle seguirá o documento acreditativo do seu pagamento.
4. Certificacións de estar ao corrente coa AEAT, TXSS e ATRIGA nos casos que proceda, así como, demais documentación que sexa necesaria para acreditar correctamente a xustificación da subvención outorgada.

**10.6.** Analizadas as xustificacións presentadas procederáse ao requirimento da documentación que estea pendente ou que se considere incompleta, para o que se dará un prazo de subsanación de 10 días hábiles, contados a partir do seguinte ao do recibo da notificación.

**10.7.** No caso de que non se xustifique o importe previsto no orzamento de gastos obxecto da subvención que figura na solicitude, ou non se presenten xustificantes relativos á totalidade dos conceptos que figuran nese orzamento, a cantidade da subvención concedida reducirase de forma proporcional.

Do mesmo xeito, se as subvencións declaradas no momento da xustificación son superiores ás previstas polo interesado na solicitude, a contía da subvención concedida poderá verse reducida, na cantidade que corresponda.

**10.8.** No momento da xustificación a entidade beneficiaria deberá estar ao corrente nas obrigas tributarias (axencia estatal e Comunidade autónoma), coa Seguridade Social e non ter débedas pendentes co Concello de Santiago.

## **11.- PAGAMENTO**

**11.1.** Cumpridas as esixencias de xustificación documental citadas na presentes bases, informados os expedientes en primeira instancia polo Departamento de Deportes e con proposta do órgano xestor, remitiranse á Intervención Municipal, de forma individual ou por lotes, para que emita o preceptivo informe de fiscalización. A Xunta de Goberno Local resolverá a súa aprobación e tramitarase a correspondente orde de pagamento.

**11.2.** Non se poderá facer ningún pago se non se acredita o cumprimento das obrigas tributarias (axencia estatal e Comunidade autónoma), coa Seguridade Social e co Concello de Santiago.

**11.3.** Respecto ao pagamento e forma de xustificación da subvención estarase ao disposto: na Lei 38/2003, do 17 de novembro, xeral de subvencións; no Real decreto 887/2006, de 21 de xullo, que aproba o seu regulamento; e na Lei 9/2007, de 13 de xullo, de subvencións de Galicia.

## **12.- REVOCACIÓN E REINTEGRO**

Procederá a nulidade e revogación das subvencións concedidas, así como o reintegro total ou parcial das contías percibidas e a esixencia do xuro de mora correspondente desde o momento do pagamento da subvención ata a data en que se acorde a procedencia do reintegro, nos supostos de incumprimento das obrigas anteriormente sinaladas, nos casos e termos establecidos no título II da Lei 9/2007, do 13 de xuño, de subvencións de Galicia, e en particular polo incumprimento de calquera dos requisitos e obrigas estipulados nesta convocatoria pública.

O reintegro do importe percibido, cando proceda, rexeráse polo procedemento establecido no artigo 38 da Lei 9/2007, do 13 de xuño.

### **13.- RESPONSABILIDADE E RÉXIME SANCIONADOR**

**13.1.** O Concello poderá dispor que se efectúen as comprobacións oportunas sobre a veracidade dos datos presentados polos solicitantes, para unha mellor valoración das solicitudes e resolución do expediente.

**13.2.** Os beneficiarios, baixo a súa responsabilidade, virán obrigados a comunicar ao Concello a obtención de subvencións ou axudas para a mesma finalidade procedentes de calquera administración pública ou ente público ou privado.

**13.3.** Así mesmo o beneficiario facilitará canta información lle sexa requirida polo Tribunal de Contas ou Consello de Contas, no seu caso.

**13.4.** Os beneficiarios das subvencións quedarán sometidos ás responsabilidades e réxime sancionador contidas no Título IV da Lei Xeral de Subvencións (LXS).

### **14.- PROTECCIÓN DE DATOS**

De conformidade coa Lei orgánica 3/2018, de 5 de decembro, de protección de datos persoais e de garantía dos dereitos dixitais, os datos persoais obtidos neste procedemento serán tratados polo Concello de Santiago de Compostela coa finalidade de tramitar administrativamente a presente convocatoria de axudas e, polo tanto, fundamentándose nun interese público. Non obstante, determinados tratamentos poderán fundamentarse no consentimento das persoas interesadas polo que, mediante a presentación da solicitude, as persoas solicitantes autorizan o tratamento e publicación dos datos persoais recollidos.

As persoas interesadas cuxos datos estean a ser tratados polo Concello poden exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia.

Máis información en <http://protecciondedatos.santiagodecompostela.gal>.

### **ANEXO EXPLICATIVO DOS CRITERIOS DE VALORACIÓN**

Na aplicación dos criterios de valoración que se recollen no punto 7 das presentes bases da convocatoria de subvencións destinadas ao fomento do deporte federado 2023, terase en conta o seguinte:

#### **A) GASTOS DE MUTUALIDADE E DE LICENZAS FEDERATIVAS**

Terase en conta o 100% dos gastos de mutualidade e de licenzas federativas de cada Entidade, agás nos supostos que figuran a continuación:

- Aquelas entidades de deportes colectivos que non teñan un mínimo de dous equipos base nunha mesma modalidade consideraráselles como máximo o 80% dos referidos gastos.

- Naquelas modalidades como, pesca, caza ou similares nas que existe unha peculiar estrutura de competición, de proceder a adxudicación de subvención, consideraráselles como máximo o 25% dos gastos de mutualidade e de licenzas federativas.

## B) BAREMO POR MODALIDADES

- Para deportes colectivos: terase en conta o número de equipos da Entidade e categoría de competición dos mesmos, certificados pola federación correspondente.
- Noutro tipo de deportes: terase en conta o número de licenzas e ámbito de competición, certificadas pola federación correspondente.

### **BALONCESTO**

CATEGORÍAS DEPORTIVAS MASCULINAS	Euros
<b>LIGA EBA (Nacional)</b>	<b>3.475</b>
1ª DIVISIÓN (autonómica)	1.390
2ª DIVISIÓN (autonómica)	525
3ª DIVISIÓN (interzonal)	235
1ª DIVISIÓN JUNIOR (autonómica)	235
2ª DIVISIÓN JUNIOR (interzonal)	90
1ª DIVISIÓN CADETE (autonómica)	235
2ª DIVISIÓN CADETE (interzonal)	90
1ª DIVISIÓN INFANTIL (autonómica)	235
2ª DIVISIÓN INFANTIL (zonal)	90
PRE-INFANTIL (autonómica)	175
3ª DIVISIÓN INFANTIL (zonal)	90
1ª DIVISIÓN MINIBASKET (autonómica)	175
MINIBASKET (zonal)	90
PREMINIBASKET (zonal)	90
BABY BASKET (zonal)	90
CATEGORÍAS DEPORTIVAS FEMININAS	Euros
1ª DIVISIÓN (nacional)	9.145
1ª DIVISIÓN AUTONÓMICA (autonómica)	1.455
2ª DIVISIÓN (interzonal)	185
1ª DIVISIÓN JUNIOR (autonómica)	245
2ª DIVISIÓN JUNIOR (interzonal)	95
1ª DIVISIÓN CADETE (autonómica)	245
2ª DIVISIÓN CADETE (interzonal)	95
1ª DIVISIÓN INFANTIL (autonómica)	245
2ª DIVISIÓN INFANTIL (zonal)	95
PRE-INFANTIL (autonómica)	185
1ª DIVISIÓN MINIBASKET (autonómica)	185
MINIBASKET (zonal)	95
PREMINIBÁSKET (zonal)	95

<b>BABY BASKET (zonal)</b>	<b>95</b>
----------------------------	-----------

### **BALONMÁN**

CATEGORÍAS DEPORTIVAS MASCULINAS	Euros
<b>1ª ESTATAL (nacional)</b>	<b>9.945</b>
<b>1ª AUTONÓMICA (autonómica)</b>	<b>1.390</b>
<b>2ª AUTONÓMICA (autonómica)</b>	<b>350</b>
<b>DIVISIÓN DE HONRA XUVENIL (autonómica)</b>	<b>350</b>
<b>2ª DIVISIÓN XUVENIL (autonómica)</b>	<b>105</b>
<b>DIVISIÓN DE HONRA CADETE (autonómica)</b>	<b>350</b>
<b>2ª DIVISIÓN CADETE (autonómica)</b>	<b>105</b>
<b>DIVISIÓN DE HONRA INFANTIL (autonómica)</b>	<b>350</b>
<b>2ª DIVISIÓN INFANTIL (autonómica)</b>	<b>105</b>
CATEGORÍAS DEPORTIVAS FEMININAS	Euros
<b>DIVISIÓN DE HONRA PRATA (nacional)</b>	<b>7.260</b>
<b>1ª AUTONÓMICA (autonómica)</b>	<b>1.455</b>
<b>DIVISIÓN DE HONRA XUVENIL (autonómica)</b>	<b>365</b>
<b>2ª DIVISIÓN XUVENIL (autonómica)</b>	<b>110</b>
<b>DIVISIÓN DE HONRA CADETE (autonómica)</b>	<b>365</b>
<b>2ª DIVISIÓN CADETE (autonómica)</b>	<b>110</b>
<b>DIVISIÓN DE HONRA INFANTIL (autonómica)</b>	<b>365</b>
<b>2ª DIVISIÓN INFANTIL (autonómica)</b>	<b>110</b>
CATEGORÍAS DEPORTIVAS MIXTAS	Euros
<b>ALEVIN MIXTO (provincial)</b>	<b>110</b>
<b>BENXAMIN MIXTO (provincial)</b>	<b>110</b>
<b>PRE-BENXAMÍN MIXTO (provincial)</b>	<b>110</b>

### **BEISBOL E SOFBOL**

CATEGORÍAS DEPORTIVAS	Euros
<b>LIGA SENIOR MASCULINA (autonómica)</b>	<b>475</b>
<b>CATEGORÍAS INFERIORES MIXTAS (autonómica)</b>	<b>175</b>

### **FÚTBOL**

CATEGORÍAS DEPORTIVAS MASCULINAS	Euros
<b>3ª DIVISIÓN NACIONAL (nacional)</b>	<b>7.945</b>
<b>PREFERENTE GALICIA (autonómica)</b>	<b>3.475</b>
<b>PRIMEIRA GALICIA (autonómica)</b>	<b>635</b>
<b>SEGUNDA GALICIA (provincial)</b>	<b>475</b>
<b>TERCEIRA GALICIA (provincial)</b>	<b>345</b>
<b>XUVENIL DIVISIÓN HONRA (nacional)</b>	<b>7.945</b>
<b>XUVENIL LIGA NACIONAL (nacional)</b>	<b>2.085</b>
<b>XUVENIL LIGA GALEGA (autonómica)</b>	<b>1.390</b>
<b>XUVENIL AUTONÓMICA: Primeira e Segunda (provincial)</b>	<b>175</b>
<b>CADETE DIVISIÓN HONRA (autonómica)</b>	<b>2.085</b>
<b>CADETE LIGA GALEGA (autonómica)</b>	<b>1.390</b>
<b>CADETE AUTONÓMICA: Primeira e Segunda (provincial)</b>	<b>175</b>

INFANTIL DIVISIÓN HONRA (autonómica)	2.085
INFANTIL LIGA GALEGA (autonómica)	1.390
INFANTIL AUTONÓMICA: Primeira e Segunda (provincial)	175
ALEVIN AUTONÓMICA: Primeira, Segunda e Terceira (provincial)	175
BENXAMIN AUTONÓMICA: Primeira e Segunda (provincial)	175
PREBENXAMÍN AUTONÓMICA: Primeira e Segunda (provincial)	175
BIBERÓN AUTONÓMICA (provincial)	175
CATEGORÍAS DEPORTIVAS FEMININAS	Euros
LIGA GALEGA 1ª DIVISIÓN (autonómica)	3.630
LIGA GALEGA 2ª DIVISIÓN (autonómica)	665
CADETE LIGA GALEGA (autonómica)	1.455
INFANTIL LIGA GALEGA (autonómica)	1.455
PROMESAS LIGA GALEGA (F8) (autonómica)	365

#### FÚTBOL GAÉLICO

CATEGORÍAS DEPORTIVAS MASCULINAS	Euros
LIGA GALEGA (autonómica)	345
CATEGORÍAS DEPORTIVAS FEMININAS	Euros
LIGA GALEGA (autonómica)	365

#### FÚTBOL-SALA

CATEGORÍAS DEPORTIVAS MASCULINAS	Euros
3ª DIVISIÓN (nacional)	2.085
PREFERENTE GALICIA (autonómica)	1.390
PRIMEIRA GALICIA (provincial)	175
SEGUNDA GALICIA (provincial)	105
DIVISIÓN DE HONRA XUVENIL (nacional)	1.390
LIGA GALEGA XUVENIL (autonómico)	290
1ª GALICIA XUVENIL (provincial)	175
DIVISIÓN DE HONRA CADETE (autonómica)	695
LIGA GALEGA CADETE (autonómica)	290
1ª GALICIA CADETE (provincial)	175
LIGA GALEGA INFANTIL (autonómica)	290
1ª GALICIA INFANTIL (provincial)	175
LIGA GALEGA ALEVÍN (autonómica)	290
1ª GALICIA ALEVÍN (provincial)	175
1ª GALICIA BENXAMÍN (provincial)	175
1ª GALICIA PREBENXAMÍN (provincial)	175
1ª GALICIA BIBERÓN (provincial)	175
CATEGORÍAS DEPORTIVAS FEMININAS	Euros
PREFERENTE (autonómica)	1.455
PRIMEIRA GALICIA (provincial)	185
SEGUNDA GALICIA (provincial)	110
LIGA GALEGA XUVENIL (autonómica)	305
LIGA GALEGA CADETE (autonómica)	305

<b>LIGA GALEGA INFANTIL (autonómica)</b>	<b>305</b>
<b>LIGA GALEGA ALEVÍN (autonómica)</b>	<b>305</b>

#### **HOCKEY A PATINS**

<b>CATEGORÍAS DEPORTIVAS MASCULINAS</b>	<b>Euros</b>
<b>LIGA BRONCE (nacional)</b>	<b>2.085</b>
<b>SENIOR AUTONÓMICA (autonómica)</b>	<b>1.390</b>
<b>JUNIOR (autonómica)</b>	<b>235</b>
<b>XUVENIL (autonómica)</b>	<b>235</b>
<b>CATEGORÍAS INFERIORES: Infantil, Alevín, Benxamín, Prebenxamín e Micro</b>	<b>90</b>
<b>CATEGORÍAS DEPORTIVAS FEMININAS</b>	<b>Euros</b>
<b>LIGA PLATA (nacional)</b>	<b>3.630</b>
<b>SENIOR AUTONÓMICA (autonómica)</b>	<b>1.455</b>
<b>SUB 17 (provincial)</b>	<b>95</b>
<b>CATEGORÍAS INFERIORES: Infantil, Alevín, Benxamín, Prebenxamín e Micro</b>	<b>95</b>
<b>CATEGORÍAS DEPORTIVAS MIXTAS</b>	<b>Euros</b>
<b>CATEGORÍAS INFERIORES: Infantil, Alevín, Benxamín, Prebenxamín e Micro</b>	<b>95</b>

#### **RUGBY**

<b>CATEGORÍAS DEPORTIVAS MASCULINAS</b>	<b>Euros</b>
<b>1ª DIVISIÓN SENIOR (autonómica)</b>	<b>1.390</b>
<b>CATEGORIAS DEPORTIVAS FEMININAS</b>	<b>Euros</b>
<b>1ª DIVISIÓN SENIOR (autonómica)</b>	<b>1.455</b>
<b>CATEGORIAS DEPORTIVAS MIXTAS</b>	<b>Euros</b>
<b>LIGA GALEGA SUB-18 (autonómica)</b>	<b>350</b>
<b>LIGA GALEGA SUB-16 (autonómica)</b>	<b>350</b>
<b>LIGA GALEGA SUB-14 (autonómica)</b>	<b>350</b>
<b>CONCENTRACIÓNS DE ESCOLAS: M12, M10, M8 e M6</b>	<b>95</b>

#### **TENIS DE MESA**

<b>CATEGORÍAS DEPORTIVAS MASCULINAS</b>	<b>Euros</b>
<b>SUPER-DIVISIÓN (nacional)</b>	<b>3.475</b>
<b>DIVISIÓN HONRA (nacional)</b>	<b>2.085</b>
<b>PRIMEIRA NACIONAL (nacional)</b>	<b>1.045</b>
<b>SEGUNDA NACIONAL (nacional/autonómica)</b>	<b>525</b>
<b>TERCEIRA NACIONAL (autonómico)</b>	<b>280</b>
<b>1ª DIVISIÓN GALEGA (autonómica)</b>	<b>175</b>
<b>2ª DIVISIÓN GALEGA (autonómica)</b>	<b>105</b>
<b>3ª DIVISIÓN GALEGA (autonómica)</b>	<b>90</b>
<b>CATEGORÍAS DEPORTIVAS FEMININAS</b>	<b>Euros</b>
<b>SUPER-DIVISIÓN (nacional)</b>	<b>3.630</b>
<b>DIVISIÓN HONRA (nacional)</b>	<b>2.180</b>

<b>PRIMEIRA NACIONAL (nacional)</b>	<b>1.090</b>
<b>SEGUNDA NACIONAL (autonómica)</b>	<b>550</b>
<b>1ª DIVISIÓN GALEGA (autonómica)</b>	<b>185</b>

## **VOLEIBOL**

<b>CATEGORÍAS DEPORTIVAS MASCULINAS</b>	<b>Euros</b>
<b>2ª DIVISIÓN NACIONAL (autonómica)</b>	<b>1.390</b>
<b>1ª DIVISIÓN JÚNIOR (autonómica)</b>	<b>350</b>
<b>1ª DIVISIÓN XUVENIL (autonómica)</b>	<b>350</b>
<b>2ª DIVISIÓN XUVENIL (autonómica)</b>	<b>235</b>
<b>1ª DIVISIÓN CADETE (autonómica)</b>	<b>350</b>
<b>1ª DIVISIÓN INFANTIL (autonómica)</b>	<b>350</b>
<b>1ª DIVISIÓN ALEVÍN (autonómica)</b>	<b>350</b>
<b>2ª DIVISIÓN ALEVÍN (provincial)</b>	<b>235</b>
<b>COPA BENXAMÍN (autonómica)</b>	<b>235</b>
<b>COPA PREBENXAMÍN (provincial)</b>	<b>235</b>
<b>CATEGORÍAS DEPORTIVAS FEMININAS</b>	<b>Euros</b>
<b>2ª DIVISIÓN NACIONAL (autonómica)</b>	<b>1.455</b>
<b>2ª DIVISIÓN SENIOR (autonómica)</b>	<b>725</b>
<b>3ª DIVISIÓN SENIOR (provincial)</b>	<b>110</b>
<b>1ª DIVISIÓN JÚNIOR (autonómica)</b>	<b>365</b>
<b>1º DIVISIÓN XUVENIL (autonómica)</b>	<b>365</b>
<b>2ª DIVISIÓN XUVENIL (autonómica)</b>	<b>245</b>
<b>3ª DIVISIÓN XUVENIL (provincial)</b>	<b>110</b>
<b>1ª DIVISIÓN CADETE (autonómica)</b>	<b>365</b>
<b>2ª DIVISIÓN CADETE (autonómica)</b>	<b>245</b>
<b>3ª DIVISIÓN CADETE (provincial)</b>	<b>110</b>
<b>1ª DIVISIÓN INFANTIL (autonómica)</b>	<b>365</b>
<b>2ª DIVISIÓN INFANTIL (autonómica)</b>	<b>245</b>
<b>3ª DIVISIÓN INFANTIL (autonómica)</b>	<b>110</b>
<b>1ª DIVISIÓN ALEVÍN (autonómica)</b>	<b>365</b>
<b>2ª DIVISIÓN ALEVÍN (provincial)</b>	<b>245</b>
<b>COPA BENXAMÍN (autonómica)</b>	<b>245</b>
<b>COPA PREBENXAMÍN (provincial)</b>	<b>245</b>

## **WATERPOLO**

<b>CATEGORÍAS DEPORTIVAS MASCULINAS</b>	<b>Euros</b>
<b>2ª DIVISIÓN (nacional)</b>	<b>6.945</b>
<b>3ª DIVISIÓN (nacional)</b>	<b>2.085</b>
<b>1ª DIVISIÓN GALEGA ABSOLUTA (autonómica)</b>	<b>1.390</b>
<b>2ª DIVISIÓN GALEGA ABSOLUTA (autonómica)</b>	<b>690</b>
<b>CATEGORÍAS DEPORTIVAS FEMININAS</b>	<b>Euros</b>
<b>2ª DIVISIÓN (nacional)</b>	<b>7.260</b>
<b>LIGA GALEGA ABSOLUTA (autonómica)</b>	<b>1.455</b>
<b>CATEGORÍAS DEPORTIVAS MIXTAS</b>	<b>Euros</b>
<b>CATEGORÍAS INFERIORES (autonómicas)</b>	<b>245</b>

## **OUTRAS MODALIDADES**

No que respecta ás modalidades non consideradas anteriormente e vinculadas principalmente con deportes individuais, seralles de aplicación o seguinte baremo por número de licenzas e ámbito de competición que estean certificadas pola Federación deportiva, autonómica ou nacional, correspondente. O límite do importe máximo a considerar por entidade como consecuencia da aplicación deste baremo será de 3.000 €.

### **1. Para todas as entidades:**

Establécese unha aportación fixa por licenza segundo o seguinte criterio:

a./ Licenza de ámbito autonómico:

15 €/licenza categoría masculina

16 €/licenza categoría feminina

b./ Licenza ámbito nacional:

20 €/licenza categoría masculina

21 €/licenza categoría feminina

Observación: naquelas modalidades nas que non existe diferenza no ámbito da licenza, podendo competir indistintamente en categoría nacional ou autonómica sen que exista un custo a maiores na súa tramitación, será de aplicación o baremo establecido para as de carácter autonómico.

### **2. Para as entidades que certifiquen a súa participación en ciclismo en ruta.**

A maiores do establecido no punto anterior, considerando a obrigatoriedade que existe de dispoñer de vehículos de acompañamento para poder competir na modalidade de ciclismo en ruta e os gastos derivados desta obriga, sumarase unha aportación fixa de 300 euros por entidade que certifique a súa participación neste tipo de probas e que acrediten ter vehículos en propiedade mediante a presentación dunha declaración responsable acompañada dos pagos do imposto municipal de circulación.

#### Observación:

As categorías e/ou modalidades que non estean recollidas no presente baremo poderán ser obxecto de estudo pola Comisión Avaliadora en base a criterios obxectivos e debidamente xustificadas.